



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Articulus V. De effectu confirmationis.

---

[urn:nbn:de:hbz:466:1-73001](#)

## ARTICULUS IV.

Quis confirmare possit?

**3044.** **R**esponsio ad hanc questionem videatur colligi ex definitione confirmationis in n. 3004. ibi : per legitimum Superiorem facta ; et ratio est , quia , si non a solo Superiore fieri deberet , ex eo faret , quia etiam fieri posset vel ab inferiore ; vel à pari ; neutrum autem dici potest ; non primum ; ut colligitur ex c. Inferior. 4. distin. 21. ubi Nicolaus Papa scribens ad Michaëlem Imperatorem , ait. inferior sedes , Superiorem absolvere non potest . Sola ergo potior inferiorem convenienter absolvit . Hinc liquidò pervidetur , quia , quem non potest absolvire , non potest , iudicio inferior , potiorem ligare . Unde Propheta ait ( Nunquid gloriabitur securis contra eum , qui fecat in ea ? aut exaltabitur terra contra eum , qui trahit eam ) His ita ex divina scriptura , & probabilium Patrum doctrina commemoratis , sole clarus exhibuimus , non posse quemquam , qui minoris auctoritatis est , cum , qui majoris potestatis est , iudiciis suis addicere , aut propriis definitionibus subjugare : & c. cùm inferior 16. de majoritate , & obed. ubi Gregorius IX. Archiepiscopo Colocensi ; cùm inferior , inquit , Superiorem solvere nequeat vel ligare ; sed Superior inferiorem liget regulariter & absolvat , & satis absonum videatur , ut filius potestatem habeat in parentem : miramur , quòd , cùm tu Monasterium de Cheur. constitutum in Tirmense Archidiaconatu tue diœcesis , in Ecclesiam erexeris Cathedralem : Archidiaconus Firmiensis in tantam prorupit temeritatis audaciam , ut in Episcopum ibi consecratum , & Ecclesiam , suam jurisdictionem exercere præsumat . Mandamus , quatenus præfato Archidiacono , à cuius jurisdictione dictum Episcopum denuntiamus exemplum , id districte studeas inhibere ; provisotamen , ut , si ex hoc Archidiaconi firmieni : jura lœduntur , indiccesi tua ( ubi expedire videris ) absque alieni juris præjudicio , recompensationem illi facias congruentem .

**3045.** Sed nec dici potest secundum ? quia par in parem non habet jurisdictionem

nem per c. innotuit 20. §. quamvis de Elect. ubi Innocentius III. non obstante decreto Alexandri III. in Concil. Lateran. quo voluit electionem illegitimi , nullam esse , contrarium admisit , rationem reddit ; quia Successori , per Antecessorem in Pontificatu , non adempta fuit dispensandi facultas ; cùm non fuerit prohibentis intentio , qui Successoribus suis nullum potuit in hac parte prejudicium generare , pari potestate ( imò cùdem ) potestate futuris ; cùm non habeat imperium par in parem . Et ratio est , ut diximus præced. num : quia confirmatio ex sua natura petit fieri per Superiorem ; ideo confirmatio Concilii generalis petitur à Summo Pontifice , ut constat , & quidem ex eo fine , quia confirmatio à Superiore petenda est . L. si quos 59. C. de Decurionibus , cuius Rubrica , summam nigri , seu textū exhibens expreſſe habet . Superiorem teneri confirmare electionem factam , ab inferioribus intellige , si canonica sit .

Dices : in c. Studiisti , de Officio Legati , Legatus confirmat sententiam Judicis delegati , qui in causa sibi commissa major est quocunque Ordinario , c. sane , de offic. deleg. & in c. i. de Treuga , & pace : ubi unus Episcopus confirmat sententiam alterius Episcopi : & in c. i. de locato , constitutionem unius Legati alter confirmat . Resp. in cit. juribus , ut notat Glossa in c. Studiisti , V. confirmare , & dicit c. i. de treuga , V. confirmet , confirmationem accipi latè , ac impropiè pro sola approbatione , seu ratificatione ; non autem propriè , ac strictè , pro additione roboris majoris , de cuius effectu dicemus à n. seq. ; & ita tenent Felinus , & Hostiensis in c. i. de Locato . Nec enim potestas unius ad amplius porrigitur , quam ei concessum sit ; unde , si conferatur cum altero paris potestatis , sicut iste actui à se gesto , sic alter paris potestatis , non poterit conferre majus robur .

## ARTICULUS V.

De effectu confirmationis.

**A**nte resolutionem not. duplicitè peti posse à Superiore confirmationem eorum , quæ ab inferioribus gesta sunt ; primo , quando ejus consensus confirmatorius

Potius necessarius est, ad substantiam aetatis, nimurum ut fiat, vel factus sit *validus*; & sic confirmatio vocari solet substantialis, ut notavimus lib. i. decret. a. n. 1024. Secundò, quando *consensus* confirmantis solùm requiritur ad circumstantiam actui, qui confirmatur accidentalem. Ex quo colliges, consensum Superioris confirmantis, relatè ad actus ab inferioribus gestos, quandòque *substantialiter*, quandòque solùm *accidentaliter* intervenire. Hinc *præstare* *consensum* non semper sonat consensum *authoritativum*. *Consensus* enim, qui in minoribus, seu inferioribus absolute *consensus dicitur*; et tamen, qui ex officio publico eum præstat, vel legitimam administrationem habet, *authoritas* appellatur, per gloss. in c. 1. de rebus Eccles. non alienand. V. *Tractatus*, & ideo *consensus* etiam est minorum; *authoritas* tantum majorum, seu Superiorum; sic Innocentius, ibid n. 3. Ex quo fit, quod dupliciter possit Superior suam *authoritatem* interponere, nimurum substantialiter, vel solùm accidentaliter, non ad valorem, sed majorem duntaxat firmatatem.

**3048.** Hinc multum interest, an aliquid confirmetur à Summo Pontifice, an ab alio inferiore. Quod enim confirmat Pontifex (saltem si confirmet *specialiter*, seu *ex certa scientia*) sive sit sententia, sive arbitrium, sive privilegium, sive aliud quid, firmum manet, nec mutari, vel de eo per inferiorem aliquem amplius cognosci potest, nisi ex *speciali* Pontificis mandato; ut constat. i. ex c. si quis. i. h. t. ubi Alexander III. *quod, si quis rem tunc pacificè possidebat, cum inde confirmationem obtinuerit, non sit licitum Judici de questione postea exorta decernere, aut eam definire, absque Sedis Apostolicae mandato* i. 2. ex c. de confirmationibus 2. cod. ubi Idem Pontifex, ad Vigoriensem Episcopum scribens, ait: *de confirmationibus autem Romani Pontificis volumus te tenere, quod contra illas (nisi novum Sedis Apostolicae mandatum procedat: aut certum sit, quod sint per falsi suggestionem elicita) non est aliquatenus judicandum; ubi notandum, quod uterque textus, dum facit mentionem confirmationis, non distinguit inter factam in forma commu-*

*ni, vel ex certa scientia*, de quo recurret mentio in seqq.

Ex dict. deducitur; primum effectum **3049.** confirmationis *utilis*, à Pontifice datae, esse, quod gesta inferiorum, confirmata per Superiorem, eximantur à potestate Judicium inferiorum, ut constat ex num. præced. id, quod procedit, non tantum de confirmatione speciali, sed etiam communi, & ordinaria, quoad hunc effectum; cum jura indefinite loquantur; ex quo fit, statutum de se validum, cui supervenit confirmatio Summi Pontificis valida, seu *utilis*, si nimurum sit in materia illi subjecta, nec ab ipsis statuentibus revocari, vel mutari, posse sine Pontificis consensu, nisi talis confirmatio facta sit directe in favorem statuentium; nam eo casu favori, sibi facto, renuntiare, & statutum aut immutare, vel etiam omnino tollere possent; præsertim, si pertalem recessum à statuto, fiat redditus ad jus commune.

**3050.** Fit. 2. quod contractus, & alia inferiorum gesta, per inferiores Judices judicari, vel improbari, aut in irritum revocari non possint, si de se jure valida sint, & à Pontifice utiliter confirmata, etiam solùm in forma communis, & ordinaria, sic Gonzalez in c. *Ex parte* 2. h. t. n. 5. & 7. Glossa ante penult. in c. fin. dist. 11. Decius in c. *quia diversitatem* n. 7. & alij; probatur i. ex c. i. h. t. cum seq. de quo Supr. n. 3048. ubi *indistinctè* statuitur, inferiorum Judicem non posse cognoscere de causa, confirmata per Superiorum; ergo procedit sive in forma communis, sive speciali confirmatio facta sit. Deinde, quoties legitimus Superior causam quodammodo assumit in suam protectionem, inferior de illa cognoscere non potest; sed Superior, confirmans actum illum, quodam modo cum suscipit in suam protectionem per manus appositionem. Igitur inferior cognitioni similis actus se immiscere non potest, nisi evidens nullitas talis confirmationis detur; quia tunc nulla est confirmationis, quae impedit inferioris cognitionem, ut in simili docetur in L. *si quis legatum* 6. in princip. ad Leg. Corn. de fassis, juncta L. i. Q. ad testamenta, L. *Filius*, 14; L. *Divus* 15 ff. cod. titul. ubi docetur, ex actu nullo non nasci illum effectum.

unde si adsit nullitas confirmationis propter obreptionem , aut subreptionem , cognitio inferioris impediri non potest , ut in præsenti docetur .

**3051.** Major ultimæ probationis ex eo constat ; quia omnia efficiuntur Principis , quibus ipse suam impertitur autoritatem ; & colligitur ex c. Si Apostolicæ 22. de Præbend. in 6. ubi Pontifex exp̄l̄sē ait , si quod ab ipso Legato Sedis Apostolicæ factum extitit , ratum & gratum habens , id authoritate Apostolicā confirmet , & eisdem executoribus , vel aliis in suis literis det in mandatis , ut in hujusmodi provisionis negotio Authoritate Apostolicā procedant juxta ipsius Legati continentiam literarum ; & subjungitur : certum est , quod (cūm ipsa provisio ipsius Legati , post impertitam à nobis auctoritatem , nostra censeatur relicta) preferre debebis &c.

**3052.** Ex quo sequitur , quod mandatum Legati (v. g. super provisione facienda) per Papam confirmatum , Papalis gratia sit censenda ; & si sub hoc Papa mandaret alios providendos in eadem Ecclesia , primum esse præferendum , ut tradit Vivianus in Rationali l. 3. pag. 83 & alii : Confirmans enim , videtur , actum facere ; actus enim confirmatus illi tribuitur ; sic Cald: Pereyra , de resolut. emphyteut: c. 15. n. 54. Unde communis illa regula : quod confirmatione ordinaria nihil novi juris tribuat , procedit , quoad effectum innovationis , si v. g. privilegium , vel jus præhabitum , antiquatum sit ; vel revallationis , si defectu labore , ex quo nullum sit ; vel resuscitationis , si amissum , vel revocatum sit , vel denique novae concessonis , si prius invalidè concessū esset : non tamen quoad hoc , quod non eximatur à iurisdictione inferiorum Judicū , vel eorum , quibus liberum erat , ante confirmationem , ut præmissum est . Licet enim nihil novi juris tribuat ; & actum , quoad validitatem , vel invaliditatem relinquat , prout eum invenit ; si tamen actus , quam confirmat , aliundē subsistat , majus ei robur , & auctoritatem addit , ut rectè notat Layman in c. 1. h. t. n. 3.

**3053.** Sequitur 2. quod contra privilegia , & confirmationes , à Sede Apostolica emanantes , inferior Judex decernere non potest ; argum. c. cūm venissent , 12. de Judic. ibi : cūm super privilegiis Sedis Apo-

stolicæ causa veritur , nolumus de ipsis per alios judicari ; id , quod potissimum de confirmationibus in forma speciali , seu ex certa scientia , intelligi debet . Hinc inanes sunt , ac extra potestatem inferiorum Judicum (cujusmodi sunt Magistratus seculares , Provinciarum Præsides , vel locum tenentes , vice domini Anwaldi , &c.) citationes , processus , sive civiles , sive etiam criminales in non exceptis , contra privilegia , & exceptiones Scholarium , concessa non solum in Authent. Habita , C. ne filius pro Patre ; sed etiam efficacissimis Augustissimorum Cæsarum constitutionibus , & specialibus . ac ex certa scientia confirmationibus , iteratò clementissime factis , non tantum actualibus Academiis , & Universitatibus ; sed etiam solo habitu , imo & Gymnasis , instar privilegiorum , quæ indulta sunt Academias , v. g. Græcensi , prout id expressè habet , Lincense Gymnasium Soc. JESU.

Dixi : debere intelligi potissimum de confirmationibus ex certa scientia , seu specialibus : nam loquendo de confirmatione solum ordinaria , dupliciter intelligi potest quæstio , an inferior Judex de privilegio , sic confirmato , judicare possit ? 1. si quæstio moveatur de confirmatione ordinaria secundum se , seu quatenus à Supremo Principe prodit , v. g. an legitimè facta sit ? &c. 2. si cognoscat privilegium , vel dispositionem , quæ confirmata est , secundum se irritam , ac nullam esse , & in hoc secundo calu contra confirmationes , in forma communi , Judex inferior per accidens cognoscere ac decernere potest , quia ea novâ concessionem non contumet , sed fundantur in re confirmata . Nam , si res confirmata ruit , seu nulla est , confirmatione etiam solum in forma communi , inutilis est ; unde sicut directè Judex inferior pronuntiare potest , illam dispositionem esse irritam , sic accessoriè , ac indirectè confirmationem , quæ illi inhibetur , nullam esse , pronuntiare poterit : nullatenus autem in primo casu nū nullus inferior Judex judicare potest de facto , vel lege sui Superioris , aut Supremi Principis ; Judicis enim non est judicare de lege ; sed , secundum legem .

Ex hoc à fortiori sequitur , inferiores Judices , in privilegiis , & dispositionibus à Supremo Principe confirmatis specialiter , & ex certa scientia , vel abuti potestate sua , vel

Veluti potestate non sua (consequenter nulliter, ac iniuste agere) si contra ejusmodi privilegia, vel dispositiones specialiter confirmatas, ac exhibitas, vel notoriè tales, se ingerunt ea disputando, vel impugnando, aut exemptos: citando, jūdicando, pronuntiando, arrestando, puniendo, &c. quia procedunt ex jure, ac potestate, quām non habent; excipe, nisi manifestum sit, confirmationem, etiam in forma speciali, laborare vitio subreptionis; quia licet clausula (*ex certa scientia*) videatur excludere præsumptionem subreptionis, ea tamen præsumptio cessat, si contrarium manifestum sit.

3056. Effectus porro *specialis*, qui tribuitur confirmationi *ex certa scientia* communiter is esse dicitur, quod novum tribuat aetui, quem confirmat, eumquè, si forte prius invalidus erat, firmum faciant, & validum, supplendo defectus illius, dummodo potestas confirmantis adactum validandum se ex tendat, sic defectus talis sit, quem Princeps supplere possit, & quandoquā rationabiliter soleat; prout constat ex c. i. de transact. ubi Gleff. fin. ait: *si transactio, vel pactum ab initio invalidum sit, per confirmationem Papæ sumit vigorem;* & *sententia, que non tenet, per confirmationem Papæ efficitur valida.* Idemque est de testamento carente requisitis solemnitatibus; ratio est; quia confirmation, *ex certa scientia*, sive cum plena cause cognitione, non est nuda, & simplex confirmation, sed est nova potius concessio, & in effectu dispensatio; ideoque vim habet actum nullum reddendi validum; sic Decius ad Rubric. h. t. circa fin. Suarez de Legib. l. 8. c. 18. n. 12. Gonzalez in c. 2. h. t. à n. 5. & alii. Cum enim Princeps sive Ecclesiasticus, sive Secularis expressè dicat: *se confirmate ex certa scientia*, adeoque cum prævia cognitione omnium, quæ ad valorem actus se confirmati necessaria sunt, in quantum pendet à sua potestate, ac jure sibi subiecto, illi merito credendum est, arg. Clement. i. de Probat. & præsumendum, si quis ejusmodi defectus à se supplebilis foret, eum supplere, & actum à se confirmatum, validum omnino esse, non obstantibus contrariis, quæ vi potestatis suæ removere potest.

3057. Not. autem, cùm dicimus, per confirmationem specialem, seu factam *ex certa*

scientia, tribui jus & valorem aetui confirmato secundum se irrito, vel ex renuntiatione, revocatione, aut alio modo, etiam per negligentiam amissio, Confirmante defectu ejus supplente; non intelligi, ubi deficit jure naturali, vel divino; hunc enim defectum supplere non potest humana potestas; sic Abbas in c. i. de Transact. n. 5.

Secundò, quando defectus est juris positivi, quēm quidem absolutè potest, non tamen solet supplere Princeps; cuiusmodi est vitium personæ (ut si confirmaretur electio intrusi) vel confirmatio administrationum in Prioratibus, & similibus facta Regulari personæ in particulari quorum vixerint, ut haberetur in c. Porrectos h. t. de quo n.

Tertio; si cedat in præjudicium tertii, nulla mentione, quod, non obstante jure alteri quæssito, actum confirmatum velit; utri & in aliis, quæ confirmans ignorare præsumitur, cuiusmodi sunt consuetudines municipales, & statuta locorum, vel quæ in mero facto consistunt, arg. c. i. de constitut. in. 6.

## ARTICULUS ULTI MUS.

*An Innovatio privilegiorum habeat vim  
confirmationis?*

3059. Ante resolut. Supponendum privilegio cum quandoquā sumi pro instrumento Authentico, in quo gratia *specialis*, aut concessio Principis, ejusquè probatio continetur: aliquando vero pro ipso jure *speciali*, vel *gratia per Principem concessâ*, cuius tenor in ipso instrumento continetur. Ex quo sequitur, etiam innovationem aliam *materialem solius instrumenti*; vel nimia vetustate consumpti; vel deperditi; aliam *formalem*, nempe iuri in instrumento contenti; de *materiali* agitur etiam in c. cùm olim 12. de privilegiis formalib. L. 7. ff. de excusat. Tutorum.

3060. Ad resolvendam hanc questionem, faciat textus in c. *Ex parte*, de privilegiis. Nam, cùm Episcopus Meldensis Abbatissam, Ecclesiam, & populum Jotrensem, ad Sedem Apostolicam immediatè spectantem, cuiusdam commissoriis (in qua de privilegiis nulla siebat mentio) prætextu, graviter molestaret, Abbatissam ex-

com-